

2

DE MODO
COERCENDI POENITENTES
SOLLICITANTES
IN ACTV CONFESSIONIS
SACRAMENTALIS.

In quo ostenditur, qua tandem ratione in huiusmodi crimen ab Ecclesia animaduerti possit.

AD SANCTISS. D. N.
GREGORIVM XV.
PONT. MAX.

ET ILLVSTRISSIMOS, AC REVERENDISSIMOS
S. R. E. CARDINALES

In vniuersa Republica Christiana contra hæreticam prauitatem Inquisitores generales à Sede Apostolica specialiter deputatos,

OPVSCVLVM

In duo Quæsitâ distributum.

Primum est, *De lege ferenda contra poenitentes sollicitantes ad turpia in sacramentali Confessione.*

Secundum, *De possibilitate denunciandi Inquisitoribus poenitentes sollicitantes ad turpia Confessarios in actu Confessionis.*



DE FODD
FERRIVIA GENTILES
SOLITANTIS
RAGIV CONTRARIIS
ACCRANTATIS

Propter modumque rationem in his
suisque rationibus et hisque rationibus
in hisque.

AD RAGIVIS D. N.
GREGORIUM XV
TOM. I. MA.

DE FODD
GREGORIUM XV
TOM. I. MA.

In nomine dei Amen
Gregorius XV
TOM. I. MA.

OPUSCULUM

In quo Quarta Editionum.

Propter modumque rationem in his
suisque rationibus et hisque rationibus
in hisque.
Gregorius XV
TOM. I. MA.



QVÆSITVM I.

De lege ferenda contra pœniten-tes sollicitantes
ad turpia in sacramentali Confessione.

Quæritur, *Vtrum expediat Reipublicæ Christianæ ferre legem contra pœniten-tes sollicitantes confessarios ad turpia in actu confessionis, vti contra suspectos de hæresi; quemadmodum iustè lata fuit à fel. record. Pio Quarto contra confessarios, carnaliter pœniten-tes allicientes.*



PARS affirmatiua suadetur Primò. Actus sollicitationis sacramentalis, quo pœnitens ad turpia allicit confessarium, ex sui natura est tantæ malitiæ, vt non minorem, aut minus grauem iustæ legis aduersus suos authores ferendæ causam præbeat, quàm præbuerint olim actus confessarij, pœniten-tes in actuali confessione carnaliter sollicitantis. Ergo sicut fuit valde expediens, ac iustum, ferre legem aduersus confessarios sollicitantes, tamquam contra suspectos de hæresi, ob malitiam, & deformitatem actus, vt patet ex bulla fel. record. Pij Quarti; ita valde expediens, iustumque esset, sancire legem contra pœniten-tes sollicitantes, vti contra suspectos de hæresi. Antecedens est notum: Nam vterque actus sollicitationis, quantum est ex natura sua, infert suspicionem de hæresi in sollicitante: quia in vtroque sollicitans videtur male sentire de sacramento Pœnitentiæ; nimirum ipsum non fuisse à Christo Domino in remedium peccatorum, & medelam animæ institutum. Ergo actus sollicitationis sacramentalis, quo pœnitens ad turpia allicit confessarium, ex natura sua est tantæ malitiæ, & deformitatis, vt iustè possit ferri lex contra ipsos pœniten-tes, vti contra suspectos de hæresi. Prima consequentia patet à paritate rationis: non enim videtur maior ratio, quare fuerit ex-

A 2 pediens

pediens ferre legem contra confessarios, quàm contra pœnitentes sollicitantes.

Secundò præterea. Sollicitatio sacramentalis, qua pœnitens allicit confessarium ad turpia, est sacramento Pœnitentiæ quammaximè iniuriola, non minus, ac sit sollicitatio confessarij: ergo frad euirandum tam immane sacrilegium iustè lata fuit lex contra confessarios, cur non erit maxime expediens id ipsum sancire contra pœnitentes, carnaliter confessarios sollicitantes?

Quod si dicas, non esse eandem rationem de confessario sollicitante, ac de pœnitente: cum confessarius sit minister Sacramenti, non verò pœnitens; & propterea expediens fuisse legem sancire, contra confessarios sollicitantes, qui, cum sint ministri sacramenti Pœnitentiæ, in tantam prorumpunt iniquitatem, vt illo abuti non vereantur: quod de pœnitentibus dici non potest. Atque adeò congruum quidem fuit contra confessarios sollicitantes legem condere; non autem expedit eam contra pœnitentes ferre.

Tertiò præterea, & arguitur contra huiusmodi responsionem. Nam sicut confessarius, quia est minister sacramenti Pœnitentiæ, eiusdem sacramenti formam absolutionis apponit; ita pœnitens sacramentum recipit, & apponit materiam proximam, & remotam eiusdem sacramenti. Ergo si fuit valde expediens, talem legem ferre contra confessarios, eo quòd sunt ministri sacramenti Pœnitentiæ: ita erit valde expediens illam ferre contra pœnitentes, quia ipsi apponunt materiam necessariam, sine qua nequit confici sacramentum: quam si non apponant, non minus iniuriam faciunt sacramento, quàm faciat confessarius, qui est eius minister.

Quartò præterea. Ratio quare fel. record. Pius Quartus in sua constitutione motus fuerit ad declarandos confessarios sollicitantes carnaliter pœnitentes in confessione sacramentali, suspectos de de heresi, est, quia maximam iniuriam sacramento Pœnitentiæ irrogant: dicitur enim ibi: *Nos in animum inducere nequeunt, quòd qui de fide catholica rectè senserint, sacramentis ab Ecclesia Dei institutis abutantur, aut illis iniuriam faciant.* Sed pœnitentes sollicitantes

5.
tantes confessarios, maximam iniuriam faciunt sacramento Pœnitentiæ, dum ad illud accedunt, aut confitentur, animo peruer-
tendi, & sollicitandi confessarium ad libidinem: ergo maximè
expediret talem legem ferre contra pœnitentes, vti contra sus-
pectos de hæresi.

Quintò præterea. Pœnitens sollicitans confessarium ad turpia, ma-
iorem iniuriam facit sacramento Pœnitentiæ, quàm faciat con-
fessarius sollicitans carnaliter pœnitentem: ergo si ob hanc ratio-
nem fuit expediens ferre legem contra confessarium sollicitan-
tem carnaliter pœnitentem, etiam ob eandem rationem erit ex-
pediens illam ferre contra pœnitentes sollicitantes. Consequen-
tia tenet. Antecedens vero probatur. Dum confessarius sollici-
tat pœnitentem verè confitentem, & non præbentem sollicita-
tioni consensum, potest confessarius eum absoluerè, & de facto
absoluit, & ita perficitur sacramentum; etsi confessarius peccet
mortaliter, sacramentum administrans in statu peccati mortalis.
Cæterùm, quando pœnitens sollicitat confessarium non præben-
tem consensum, quia est male dispositus, non potest absolui, &
ita nequit perfici sacramentum. Ergo ratione sollicitationis sacra-
mentalitis, maiore iniuriam facit sacramento Pœnitentiæ, pœnitens
sollicitans confessarium, quàm confessarius sollicitans pœnitentē.

AD euidentiam huius rei præmittendum est, quòd in præsentì non
vertitur in controuersiam, An actus sollicitationis, quo pœnitens
allicit confessarium ad turpia, dum sua delicta confitetur, sit tan-
tæ malitiæ, & deformitatis, vt possit iustè ferri lex contra pœni-
tentes sollicitantes, vti contra suspectos de hæresi, quemadmo-
dum lata fuit lex contra confessarios allicientes pœnitentes ad tur-
pia in actu confessionis. nam de hoc nulla esse potest difficultas:
cùm in tali actu pœnitens apertissimè videatur malè sentire de
sacramento Pœnitentiæ. Sed controuersia est, An sit expediens
reipublicæ Christianæ sancire legem, quæ decerneret, pœniten-
tes sollicitantes carnaliter confessarios, esse suspectos de hæresi,
& contra illos esse procedendum, sicuti in alijs causis ad sanctum
Inquisitionis officium pertinentibus. Etenim non omnia, quæ

fieri iuste possunt, quandoque expedit fieri: sicut forte contingit modò.

Huius dubitationis decisio hæc est: Otiosum plane, minimèq. expediens est Reipublicæ Christianæ, sancire legem, qua statueretur pœnitentes sollicitantes confessarios ad turpia, esse habendos vti suspectos de hæresi, sicut habentur confessarij sollicitantes pœnitentes, post latam constitutionem fel. record. Pij Quarti.

Moueor ad id sentiendum multiplici ratione, quarum Prima est. Nam talis constitutio, seu lex, nulla via posset executioni mandari, cum nec delictum reperiri, nec puniri possibile esset: siquidem ipse pœnitens sollicitans ad libidinem confessarium, nequaquam cogi posset, vt seipsum denunciaret, proprium peccatum Inquisitoribus manifestando; alias obligaretur pœnitens, vt se in rebus grauissimis proderet: quòd est contra ius naturæ. Quem admodum ob eandem rationem confessarius, quando pœnitentem sollicitat, non tenetur, neque cogitur ad deponendum contra se. Vnde tale crimen si ab aliquo deferri posset, maximè esset à confessario. Cum autem confessarius id nulla ratione facere possit, nec debeat, ob immutabilem sigilli confessionis integritatem, neque lex humana possit eum cogere ad id reuelandum, vt ostendemus dubitatione sequenti; ideo talis lex, seu constitutio otiosa omnino esset, & numquam, moraliter loquendo, suum finem esset consequutura: ergo.

Et si dicas, quòd pœnitens non solum in actuali confessione sacramentali, verum etiam proximè ante, vel post, allicere potest confessarium ad turpia: vnde tunc sollicitatio circa actum confessionis, proxime ante, vel post, siue in loco confessionis, scilicet confessionario exercita, non comprehenditur sub sigillo confessionis: atque adeò lex positiua poterit tunc cogere confessarium ad denunciandum Inquisitoribus pœnitentem, ita sollicitantem. Et consequenter lex lata otiosa non foret, sed posset optime consequi suum finem.

Contrà hoc est: quia in præfenti loquimur tantum de pœnitentibus sollicitantibus in confessione sacramentali, quæ, vt dicemus, indi-

rectè pertinet ad sigillum confessionis: & ita non potest cogi confessarius ad id denunciandum; ac propterea lex contra huiusmodi sollicitantes lata, otiosa, & inutilis esset. Caterùm, si lex positiva esset lata contra pœnitentes sollicitantes confessarios circa actum confessionis proximè antè, vel post, vel contra pœnitentes abutentes loco confessionis, scilicet confessionario: quia tunc confessarius cogi posset ad denunciandum, & ex consequenti teneretur denunciare, eo quòd talis sollicitatio non claudirur sub sigillo confessionis; ideo talis lex, quantum ad hoc, otiosa, aut inutilis non esset. Et hæc quidem dicuntur, attenta dumtaxat rerum ipsarum differentia. Nam si de expediendi loquamur, non videtur etiam expediens huiusmodi lex. Tum quia, cùm iniuriâ sacramenti sit multum remota, nimirum per abusum solius loci, vel temporis propinquitatem, nō videtur esse sufficiens motiū ad interpretandum, quòd in tali casu non obliget confessarium lex correctionis fraternæ, & ordo ipsius perueri debeat, præcipue si sine denunciatione, ipsius emendatio sperari possit. Tum etiam, quia parare hanc viam confessarijs, posset ex aliâ parte operari ad sacramenti iniuriam, vt scilicet mulieres in ipsa confessione sollicitæ non audeant resistere ex metu, ne confessarij illas accusent, tamquam si in actu, vel loco ipsos sollicitassent, & quòd per huiusmodi sibi timentes à confessionibus arceantur.

Et si iterum dicas: Lex lata contra confessarios sollicitantes proximè antè vel post, fuit expediens: quia talis sollicitatio est iniuriâ proximè facta sacramento Pœnitentiæ: ergo similiter pœnitens sollicitans confessarium proximè antè, vel post, proximè facit iniuriâ sacramento.

Sed contra hoc est: quia, quòd confessio sit sacramentalis, vel non, pendet ex voluntate pœnitentis volentis, vel nolentis confiteri; non autem ex voluntate confessarij: & ita quòd sollicitatio sit sacramentalis, vel non, pendet ex voluntate pœnitentis, non autem confessarij. Vnde confessarius sollicitans proximè antè, vel post, quantum est ex se, semper facit iniuriâ sacramento; quia talis sollicitatio, quantum est ex se, semper est sacramentalis. Ceterum

rùm sollicitatio, qua pœnitens allicit confessarium, si ipse nolit confiteri, neque est sacramentalis, & consequenter neque iniuriam facit sacramento Pœnitentiæ, nisi remotam. Si verò loquamur de abusu loci confessionis, neque est eadem ratio motiua, legis respectu confessarij, & pœnitentis; cum propter rationem allatam, tum propter ea, quæ dicenda sunt in solutione vltimi argumenti.

Secundò. Si talis lex, seu constitutio conderetur, nimis odiosum rederetur sacramentum Pœnitentiæ, neque ita facile pœnitentes ad confitendum accederent; sæpe enim dubitarent, ne confessarij ob aliquem alium finem, videlicet odij, vel inimicitia, eos Inquisitoribus falsò denunciarent de crimine sollicitationis in actu confessionis: & sic saltem, non ita frequenter confiterentur. quod quidem euitandum omnino est, propter periculum tanti sacramenti.

Tertiò probatur, & explicatur magis vis præcedentis rationis. Nam sacramentum Pœnitentiæ de se ordinatum est in bonum particulare pœnitentis; vnde non licet vti notitia habita in eo, & reuelare alicuius confessionem, etiamsi inde sequeretur maximum bonum commune, puta totius ciuitatis, vel etiam Ecclesiæ conseruatio. Denunciatio autem faciendâ a confessario sollicitato, ordinaretur in bonum commune, vt constat: atque adeo lex, quæ iuberet confessario, vt denunciaret se sollicitantes, faceret ipsum vti eo, quod est ordinatum per se in bonum particulare, in ordine ad bonum commune, cum dispendio particulari: hoc autem est iniustum, & peruertit diuinam legem. Ergo lex, quæ huiusmodi præcipiat, nedum non erit expediens, sed diuinæ legi repugnans. Cætera omnia constant: tantum probanda est minor, scilicet, quòd ordinare in bonum commune cum damno particularis, id quid per se ordinatur in bonum particulare, sit iniustum. Et probatur primò ex ratione iam facta: hæc enim est potissima ratio, quare non potest confessarius reuelare pœnitentis delictum, ex cuius reuelatione resultaret bonum commune. Secundò à simili, in correctione fraterna, quæ ordinatur in bonum particulare; & ideo non potest quis, nisi iniuste procedere

cedere in illa, ut publicaret delictum in ordine ad bonum commune publicæ punitionis: qua ratione *S. Thomas 2. 2. q. 33. art. 6.* sic dicit: *Alia verò est correctio fraterna, cuius finis est emendatio delinquentis non habens coactionem, sed simplicem admonitionem. Et ideo ubi probabiliter aestimatur, quòd peccator admonitionem non recipiat, sed ad peiora labatur, est ab huiusmodi correctione desistendum; quia ea, quæ sunt ad finem, debent regulari secundum quod exigit ratio finis. Propter quam rationem subdit idem Sanctus in solut. ad 3. quod ea, quæ ordinantur ad finem, habent rationem boni ex ordine ad finem. Et ideo correctio fraterna, quando est impeditiva finis, scilicet emendationis fratris, iam non habet rationem boni.* In proposito ergo, cum confessionis sacramentum ordinatum sit de se in bonum particulare, non licet uti eo in bonum commune; nam hoc esset alterare ordinationem diuinam, & assumere ut medium in bonum commune, illud, quod Deus voluit ordinare in bonum particulare sine dependentia & relatione ad bonum commune.

Quartò probatur. Iuxta doctrinam *S. Gregorij lib. 3. 2. moral. cap. 18.* & refertur *capit. duo mala 13. dist.* ex duobus malis minus est eligendum: sed ex his duobus malis, nempe, quòd penitentes à confessione retardentur, vel quòd confessarios ad turpia in actu confessionis alliciant, minus malum apparet hoc, quàm illud: ergo magis hoc secundum erit eligendum, quàm primum.

Ad primum argumentum in contrarium initio allatum, nego consequentiam. Ad probationem similiter negatur consequentia. Et ratio disparitatis est: nam per legem latam contra confessarios sollicitantes penitentes ad turpia, providetur sufficienter iniuriæ, quæ per talem actum irrogatur sacramento, sine aliquo detrimento sacramenti. Cæterum, si esset consimilis lex contra penitentes sollicitantes confessarios, non provideretur iniuriæ factæ sacramento, absque detrimento exercitij eiusdem sacramenti, ut constat ex dictis. Secundò dici potest, quòd lex contra confessarios lata, optimè consequitur suum finem, quem non posset consequi lex, si esset lata contra penitentes:

Ad secundum bene ibi dictum est. Dicimus præterea, quòd licet
actus

actus sollicitationis sacramentalis, quo penitens confessarium allicit ad turpia, sit maxime iniuriosus sacramento Penitentiae; non tamen propterea bene infertur, quod si fuit expediens sancire legem contra confessarios sollicitantes, esset etiam expediens eandem sancire contra penitentes, ob rationes iam adductas.

Ad tertium negatur consequentia. Nam ratio, ob quam non expedit talem legem sancire, non est illa, quæ tangitur in argumento, sed sunt alia iam adductæ.

Ad quartum iam satis constat ex dictis.

Ad quintum dicendum, quod etsi concederemus, penitentes sollicitantes maiorem iniuriam irrogare sacramento Penitentiae, quam confessarios sollicitantes: nihilominus ex hoc non liceret inferre, quod sicut expediens fuit lex contra confessarios; ita expediret illam ferre contra penitentes, propter rationes prædictas.

Verum circa hanc comparisonem aduertendum est, quod non videtur admittendum (si res attentè consideretur) quod penitens sollicitans confessarium faciat maiorem iniuriam sacramento, quam confessarius sollicitans penitentem: imò contrarium iudicandum est. Quia sollicitatio confessarii respectu penitentis, per se loquendo, est semper contra sacramentum existens inchoatiue, saltem ex parte penitentis, qui ex parte sua inchoat confessionem sacramentalem. At vero sollicitatio penitentis respectu confessarii, non est per se contra sacramentum existens; cum nihil sacramentale esse possit in confessione, nisi per voluntatem penitentis: Siquidem absolutio non est sacramentalis, nisi supposita confessione; quæ utrum sit sacramentalis, an non, ex penitentis voluntate pendet volentis confiteri, vel non; atque adeo potest fingere se confiteri, ut sollicitet, cum intentione non confitendi: & tunc nihil ibi erit sacramentale existens, & sit iniuria sacramento non existenti. quod etsi graue est, minus tamen graue, quam iniuriam facere sacramento iam inchoato: ut patet à simili in impediens generationem hominis ante animationem, vel post, quando iam inchoatus, etsi nondum perfectus est.

Quod si penitens non solum confiteri se simulat, sed re vera confiteri

111
teri velit sacramentaliter: (quod tamen posset contingere, illo sic magis volente occultare suum delictum, & illud inuoluere confessionis sigillo) adhuc doctrina proposita verum habet: quia licet pro vtraque parte sit sacramentum existens inchoatiue, tamen maius delictum est, in illo interponere sollicitationem ex parte confessorij, quàm penitentis. Et ratio est: quia per se hoc sacramentum est ordinatum per modum iudicij, in bonum penitentis, non in bonum confessorij, vt constat. vnde, cum ex sollicitatione ex parte confessorij peruertatur iudicium in damnum penitentis, hoc est per se contra sacramenti finem. At verò, quando penitens sollicitat confessorium, damnum directè tangit illum, ad quem per se non ordinatur sacramentum; ipse tantum penitens ex sua malitia perdit suum bonum, quatenus non finit perfici iudicium, vt absoluat. Et est simile in iudicio criminali, & forensi. Nam per se maiorem iniuriam publicæ iustitiæ facit Iudex, qui abutitur authoritate, vt innocentem damnet, quàm ipse innocens, si iudicio instante reum se faciat, & nocentem.


Hæc dicta sunt circa dubium propositum, consulendo sanctitati ipsius sacramenti, & bono penitentium, ad quod ex Christi Domini institutione ordinatum est.

Sed quia huiusmodi abusus frequentius forte grassatur, quàm pij homines credant, quia nimirum adeo occultus ac secretus est, ob sigilli inuiolabile obseruantiam, vt ad eorū notitiam, autemq. peruenire non possit: idcirco opportunū omnino remedium inueniatur, quatenus ipsum sacramentum cum sigillo, & secreto suo permittit. Si liceret arbitrari, submitiendo meum sensum in omnibus, ac singulis, quæ ex meo sensu dixerō, Beatitudini vestræ: Expedire summopere iudicarem, vt ferretur censura excommunicationis latæ sententiæ, sedi Apostolicæ, vel Inquisitoribus reservata, contra huiusmodi sollicitantes; quæ etiam ad maiorem terrorem, Bullæ Cœnæ Domini inferi posset. Et sic delictum grauissimum subiaceret debitis penis, per Vestram Beatitudinem, aut S. Inquisitionis Tribunal in foro penitentiali deputandis; & consultum foret sanctitati, & reuerentiæ sacramenti; & verosimiliter spe-

rari

rari posset multorum emendatio: maxime si, quoad personas capaces, adderentur præterea poenæ aliæ inhabilitatum, irregularitatum, & aliæ huiusmodi, non nisi per sedem Apostolicam relaxandæ. Imò posset ferri sententia, vt qui sic delinquerent, quantumvis postea absolui à culpa contingeret, numquam essent, vel ad tempus, capaces Indulgentiarum, siue in vita, siue in morte, nisi ex speciali concessione Romani Pontificis, per forum penitentiale impetranda. Quod certè quammaximè fideles à tanto facinore deterreret.

obri. p. 6757



QVÆSITVM II.

De possibilitate denunciandi Inquisitoribus
pœnitentes sollicitantes ad turpia confes-
sarios in actu Confessionis.

Quæritur, Vtrum si daretur lex, seu constitutio Pontificia, lata contra pœnitentes sollicitantes confessarios ad libidinem in actu Confessionis, vti contra suspectos vehementer de hæresi; posset Confessarius cogi ad denunciandum Inquisitoribus pœnitentem, de crimine sollicitationis.



R A R S affirmatiua suadetur Primò. Lex Pontificia obligat confessarium, quando non currit obligatio sigilli confessionis: nam vbi obligat sigillum confessionis, lex humana positiua non obligat: cum enim sigillum confessionis sit de iure diuino, præferendum est legi humanæ. Sed in casu, quo pœnitens confessariū sollicitat ad turpia in sacramentali confessione, non currit obligatio sigilli confessionis: ergo si extaret lex Pontificia contra peni-

tentes

tentes sollicitates confessarios in sacramentali confessione, confessarius non solum cogi posset ad denunciandum; verum etiam teneretur illum Inquisitoribus denunciare. Maior cum consequentia sunt notæ. Minor verò probatur. Ea cadunt sub sigillo confessionis, eiusque obligatione, quæ confessarius tantum scit, ut Deus, & non ut homo, ut docet expresse *S. Thom. in 4. dist. 25. quest. 3. art. 1. quest. 1. & 2. & in additionibus ad 3. p. q. 11. art. 1. & 2.* Sed actum sollicitationis, quo pœnitens ad turpia allicit confessarium in sacramentali confessione, confessarius scit ut homo, non ut Deus; quia ut Deus, tantum scit ea, de quibus pœnitens se accusat: ergo in calu, quo pœnitens confessarium sollicitat ad turpia in sacramentali confessione, non tenet obligatio sigilli confessionis.

Secundò præterea. Id quod non est materia sacramentalis confessionis, potest confessarius reuelare: quia confessarius sub sigillo confessionis, tantum tenetur cælare id quod est materia confessionis. Sed actus sollicitationis ad turpia, quo pœnitens confessarium allicere conatur, non est materia sacramentalis confessionis. Probatur: nam talis sollicitatio est peccatum mortale, de quo pœnitens non solum non se accusat, sed malitiose tunc illud committit. Ergo nullo modo esse potest materia illius confessionis sacramentalis: quia materia confessionis sacramentalis, solum sunt peccata, de quibus pœnitens se accusat: ergo Confessarius, lege positiva, cogi posset ad id Inquisitoribus denunciandum.

Tertio præterea. Quotiescumque pœnitens accedit ad confessionem, animo minime se accusandi, sed potius peruertendi, & alliciendi confessarium ad libidinem, talis confessio, tantum abest quòd sit sacramentalis, quin potius est impia Dæmonis inuentio; & sacrilegus confessionis sacramentalis abusus, ut tenet *Abb. in cap. omnes de pœnit. & remiss.* quem refert, & tenet *Angel. confessio ultim. num. 7. Innoc. Monald. & Raym.* quos refert, & sequitur *Silvester confessio 3. num. 2.* Sed Confessarius solum tenetur sub sigillo confessionis cælare ea, quæ in vera confessione sacramentali audiuit: ergo non tenetur cælare pœnitentem sollicitantem. Atque ita, si

extaret lex positua contra pœnitentes sollicitantes, posset cogi confessarius ad id denunciandum Inquisitoribus.

Quartò præterea, & confirmatur magis præcedens ratio. Nam, vt refert *Soto in 4. dist. 18. q. 4. art. 5.* Aliquando Romæ contigit, vt quidam Cardinalis conſpirationem moliens in Summum Pontificem, confiteretur alteri Cardinali, ea intentione, vt illum in suam coniurationem traheret. Re enim per aliam viam comperta, Cardinalis illè, qui confessionem audiuit, accusatus est, ac muldatus, eo quòd rem non detegisset. Quo factò Summus Pontifex significauit rem detegi potuisse, in tali alioque simili casu. Ergo quotiescumque pœnitens confitetur, animo peruertendi confessarium, & inducendi illum ad peccandum, vt v.g. ad peccatum luxuriæ, proditiõis, furti, conſpirationis, homicidij &c. potest confessarius manifestare sollicitantē illi, cui ex officio incumbit, vt contra ipsum procedat, & consequenter in nostro casu, optimè poterit Cōfessarius cogi ad denunciandū Inquisitoribus sollicitantē.

Quintò præterea. Quæ sciuntur sub sigillo confessionis, extra confessionem sacramentalem, si sint in alterius damnum, tenetur vnusquisque reuelare, & consequenter potest cogi ad reuelandum; eo quòd tale sigillum confessionis, non magis obligat, quam iuramentum de tenendo secretum: ergo similiter, quæ sciuntur sub sigillo confessionis in confessione sacramentali, si sint in damnum reipublicæ Christianæ, cuiusmodi est sollicitatio sacramentalis ad turpia, quæ vergit in maximum damnum boni spiritualis, & summam iniuriam sacramenti Pœnitentiæ; poterit confessarius cogi ad id denunciandum Inquisitoribus. Antecedens communiter admittitur à Doctoribus. Consequentia verò patet: quia in vtroque casu interuenit sigillum confessionis: ergo vel in vtroque casu obligat ad non reuelandum, vel in neutro.

Sextò præterea. Confessarius tenetur cælare peccata, quæ in confessione sacramentali audiuit, tantum ex præcepto Ecclesiæ, & non iure diuino: ergo lege pontificia oppositum præcipiente non solum potest, verum etiam tenetur sacerdos reuelare peccata. Consequentia patet: quia illud, ad quod quis obligatur ex præcepto Eccle-

15

Ecclesiæ tantum, non est necesse obseruari mandato Ecclesiæ in contrarium facto. Antecedens verò probatur. In sacramentis nouæ legis, quæ sunt de iure diuino, sunt expressa in eorum institutione. Nam quæ sunt de iure diuino in sacramento (verbi gratia) Eucharistiæ, ex institutione eiusdem sacramenti manifeste habentur, verbi gratia, materia, & forma; sicut etiam in sacramento Baptismatis, &c. Sed in institutione sacramenti Pœnitentiæ nulla fit mentio de sigillo confessionis: ergo sigillum confessionis non pertinet de iure diuino ad hoc sacramentum.

Ad euidentem resolutionem huius difficultatis præmittendum est, iuxta communem omnium Doctorum Theologorum, & Canonistarum sententiam, præcipuè Doctissimi Magistri *Soto in 4. dist. 18. quest. 4. art. 5. conclus. 1.* sigillum confessionis, de iure diuino, tam supernaturali, quam naturali, ac etiam de iure positiuo, esse seruandum à Confessario, qui adeò debet esse secretus, vt quocumque præcepto ei facto, etiam à Papa, v. g. modo S. D. N. Gregorio Decimoquinto, non debeat manifestare, quæ in sacramentali confessione audiuit, vt habet *S. Th. in 4. d. 21. art. 1. quest. 1. ad 2.* quia quantum ad hoc, confessarius nulli, nisi Deo, subiicitur. Et ita vbi obligat sigillum confessionis, non obligat lex humana: sigillum enim confessionis est de iure diuino, & ideo legi humanæ præferendum est: quare tunc seruanda est lex humana, & positua, quando non currit obligatio sigilli confessionis. Quo fit, vt nullus Iudex, seu Superior, cogere possit confessarium lege aliqua humana ad ea manifestanda, quæ in confessione sacramentali audiuit. Vnde si aliquis, v. g. Iudex, sub pœna excommunicationis obligaret confessarium ad reuelandam confessionem sacramentalem, non solum non teneretur obedire, sed etiam sub iuramento requisitus, dicere posset se nescire absolute: quia re vera id nescit vt homo, cum peccata illa sciat vt Deus, cuius vices gerit in confessione, vt expresse docet *ibidem S. Thomas ad 3.* Imò, vt asserit *Petrus de Ledesma in summ. tract. de pœnis. cap. 22.* talis Iudex, vt suspectus de hæresi, denunciandus esset in sancto Inquisitionis Tribunali: ait enim: *Secundò sequitur, quòd si Papa, aut quicumque alius*

B 2

que alius iudex adhibitis præceptis, ac censuris grauissimis seuere mandet, ut secretum aliquod, quodcumque illud fuerit, reueletur, nullo modo intelligendum id est de secreto confessionis sacramentalis: quia nullus in eo dispensare potest. Et si iudex aliquis pœna excommunicationis in particulari præcipiat alicui ut ei reuelet, ac detegat secretum confessionis; illi nullo modo obediendum est. Imò verò huiusmodi Iudex sancto Inquisitionis Tribunali, tamquam de fide suspectus, denunciandus esset. Ex quo sequitur, quòd frangens sigillum confessionis, mortaliter peccat contra legem diuinam & humanam. Quod quidem peccatum, non solum committit Sacerdos, sed quicumque alius, qui detegit aliquod peccatum, quod iustè, aut iniustè in confessione sacramentali sciuit, quamuis sit veniale, absque facultate, iusta, de causa, à pœnitente facta: vnde tam interpret, v. g. confitentis, lingua confessario ignota, quàm laicus, cui aliquis in extrema necessitate confitetur, quàm etiam qui se confessarium finxit, omnes tenentur sigillum confessionis seruare: & si non faciunt, non solum in culpam lethalem incurrunt, verum etiam grauissimis pœnis puniendi sunt: Sacerdotes quidem iuxta pœnas sacrorum Canonum, ut habetur capit. Sacerdos de pœnit. dist. 6. & cap. omnis utriusque sexus, de pœnit. & remiss. Seculares vero pœnis arbitrarijs, ut docet Summa Armilla verbo, Confessor. num. 13.

Secundò præmittendum est id quod docet S. Thom. in additionibus ad 3. p. quæst. 11. art. 2. nimirum, quòd directè sub sigillo confessionis cadunt peccata, de quibus est sacramentalis confessio: indirectè autem cadunt illa, de quibus non est sacramentalis confessio, per ea tamen potest peccator, vel peccatum deprehendi: ita enim ait S. Thomas: Respondeo dicendum, quòd sigillum confessionis directè non se extendit nisi ad illa, de quibus est sacramentalis confessio; sed indirectè, id quod non cadit sub sacramentali confessione, etiam ad sigillum confessionis pertinet, sicut illa, per quæ posset peccator, vel peccatum deprehendi. Nihilominus tamen, alia summo studio sunt calanda, tum propter scandalum, tum propter pronitatem, quæ ex consuetudine accidere posset. hæc S. Thomas. Cùm ergo Confessarius teneatur, non solum calare ea, ad quæ directè se extendit sigillum confes-

fionis

fionis ; sed etiam ea, quæ indirectè cadunt sub illo ; adeo ut si op-
positum faciat, easdem canonicas pœnas incurrat, ut expresse ha-
bet *P. Ledesma loco supra allegato conclus. 6.* hinc fit, quod con-
fessarius, sub sigillo confessionis tenetur cœlare etiam ea, quæ non
concernunt, seu cadunt sub sacramentali confessione. Vnde
quantumvis confessarius audiat aliquid à pœnitente, quod non
pertineat ad sacramentalem confessionem, & consequenter quod
non sit materia confessionis, dummodo illud sciat in sacramen-
tali confessione, nullo modo potest manifestare ; & si reuelat, pec-
cat contra ius diuinum & naturale, ac etiam contra ius positi-
uum, & pœnis per Canones statutis puniendus est. His ergo
præmissis,

Resolutio præsentis dubij hæc est. Si daretur lex, seu constitutio
Pontificia, lata contra pœnitescentes sollicitantes ad libidinem con-
fessarios in actu confessionis sacramentalis, non posset cogi con-
fessarius ad denunciandum Inquisitoribus pœnitentem de crimi-
ne hæresis.

Probatum euidenter. Nam non potest cogi confessarius ad reuelan-
dum ea, quæ sub sigillo confessionis continentur, siuè directè, si-
uè indirectè. Sed actus sollicitationis ad turpia, quo pœnitens al-
licit confessarium in sacramentali confessione, continetur sub si-
gillo confessionis : ergo Confessarius non potest lege humana co-
gi ad reuelandum talem actum, & denunciandum pœnitentem
Inquisitoribus. Consequentia est euidenter. Maior constat satis ex
dictis in fundamentis. Minor verò, in qua est difficultas, proba-
tur Primò. Si pœnitens, v. g. in sacramentali confessione dicat
se esse hæreticum, & velle in sua hæresi perseverare, seducere fide-
les, eosque à fide catholica auertere : huiusmodi peccatum perti-
net ad sigillum confessionis, & tenetur confessarius sub eiusdem
sigilli obligatione cœlare. Et tamen pœnitens non minus peccat
mortaliter in illa sacramentali confessione, imò magis, quàm si
carnaliter confessarium ad turpia alliceret : quia animo deliberato
asserere se velle fideles seducere, eosque à fide auertere, est maius
peccatum mortale, quàm sit actus sollicitationis ad turpia. Ergo

actus sollicitationis, quo pœnitens confessarium in sacramentali confessione ad turpia allicit; continetur sub sigillo confessionis, & tenetur sub eiusdem sigilli obligatione confessarius, talem sollicitationem cælare. Consequentia patet à paritate rationis. Minor constat. Maior verò est expressa sententia *S. Thomæ*, qui in additionibus ad 3. part. quæst. 11. citata art. 1. quærens *Utrum in quolibet casu sacerdos teneatur cælare peccata, quæ sub sigillo confessionis nouit?* Primo loco obijcit sibi pro parte negatiua, huiusmodi argumentum. *Sicut dicit Bernardus, quod est institutum pro charitate, contra charitatem non militat: sed cælatio confessionis in aliquo casu contra charitatem militaret; sicut si aliquis in confessione scit aliquem hereticum, quem non potest inducere ad hoc, quòd desistat à corruptione plebis; & similiter de illo, qui scit per confessionem, affinitatem esse inter aliquos, qui contrahere volunt: ergo talis debet confessionem reuelare.* Huic argumento sub his verbis respondet. *Ad primum ergo dicendum, quòd quidam dicunt, quòd sacerdos non tenetur seruare sub sigillo confessionis nisi peccata, de quibus pœnitens emendationem promittit; aliter potest ea dicere ei, qui potest prodesse, & non obesse. Sed hæc opinio uidetur erronea, eum sit contra veritatem sacramenti. Sicut enim baptismus est sacramentum, quamuis fictus accedat, neque est immutatum aliquid propter hoc, de essentialibus sacramenti: ita confessio non desinit esse sacramentalis, quamuis ille qui confitetur, emendationem non proponat, & ideo nihilominus sub occulto tenendum est. Nec tamen sigillum confessionis, contra charitatem militat: quia charitas non requirit, quòd apponatur remedium peccato quod nescit. Illud autem, quod sub confessione scitur est quasi nescitum, cum illud nescit ut homo, sed ut Deus. Tamen aliquod remedium adhibere debet in prædictis casibus, quantum potest, sine reuelatione confessionis, sicut monendo eos, qui confitentur, & alijs diligentiam apponendo, ne corrumpantur per hæresim. Potest etiam dicere Prælato, quòd diligentius vigilet super gregem suum, ita tamen quod non dicat aliquid, quod verbo, vel nutu confitentem prodat. Hæc S. Thomas. In quibus verbis manifestè docet, quòd si confitens hæreticus, dicat confessario quòd ipse vult in sua hæresi perseverare, & quòd suis hæreticalibus erroribus vult plebem*

bem corrumpere, Confessarius tenetur sub sigillo confessionis sacramentalis id cælare, quamuis non possit confitentē inducere vt desistat à tali peccato: asseritque, oppositū asserere, esse erroneum. Neque dicas S. Thomam solum loqui in præfatis verbis de peccato mortali committendo, non autem de peccato commissio in actuali confessione sacramentali; cuiusmodi est actus sollicitationis; quo pœnitens Confessarium ad turpia sollicitat; atque adeo non videri eadem rationem de utroque.

Nam contra hanc responsionem est. Quia dum confitens dicit Confessario; se habere voluntatem deliberatam perseuerandi in hæresi, & peruertendi populum fideliem, non solum emendationem non proponit, & dicit se commissurum peccatum mortale; sed etiam actu mortaliter peccat; quamuis non peceet nouum peccatum: Sicut v. g. si Petrus dicat se habere voluntatem deliberatam occidendi Franciscum, & dicat volo occidere Franciscum; actu mortaliter peccat, quia actus, quo vult occidere Franciscum; est peccatum mortale, sicut actus, quo per hæresim vult hæreticus corrumpere plebem, est peccatum mortale. Sed S. Thomas loquitur in casu, quo aliquis, non solum vult in hæresi perseuerare, sed etiam in casu, quo non potest confessarius illum inducere vt desistat à corruptione plebis; & consequenter necessario præsupponitur, quod dum confessarius illum monet vt desistat, ipse dicat nolo, sed volo populum à fide catholica pervertere: quod quidem est actu mortaliter peccare. Ergo S. Thomas non solum loquitur de peccato mortali committendo, sed de peccato mortali, quod actu committitur.

Confirmatur, & magis explicatur prædicta ratio. In præfato casu, secundum doctrinam S. Thomæ allegatam, non potest confessarius reuelare peccatum, quod pœnitens in eius actuali confessione sacramentali committit. Sed in præfato casu peccatum, quod committitur, est maius quàm sit actus sollicitationis, quo pœnitens confessarium allicit ad turpia in sacramentali confessione; ergo nec tunc poterit Confessarius, huiusmodi actum sollicitationis carnalis reuelare.

Secundò probatur eadem minor principalis argumenti . Confessarius sub sigillo confessionis tenetur nihil dicere, quod verbo, vel nutu confitentem prodatur, ut ex doctrina tradita *S. Thomæ* aperte constat, & habetur de *pœnitent. & remiss. capit. omnis*, ubi dicitur : *Caveat sacerdos, ne verbo, vel signo, vel quovis modo prodatur aliquatenus peccatorem*. Sed si Confessarius pœnitentem sollicitantem ad turpia reuelaret, verbo, & facto illum proderet : ergo sub sigillo confessionis id tenetur cælare ; & consequenter quantumvis cogatur ad id manifestandum, non tenetur obedire, ut ex dictis supra euidenter colligitur .

Quòd si dicatur prædicta verba sancti Magistri, scilicet, *ita tamen quòd non dicat aliquid, quod verbo, vel nutu confitentem prodatur*, intelligenda esse in his tantum, in quibus est confitens, & pœnitens : non autem in his in quibus nec se accusat, nec animum habet absolutionem recipiendi ; sicut contingit in casu, quo pœnitens Confessarium carnaliter allicit .

Contra hanc explicationem est : nam *S. Thom. in prædicta solutione ad primum*, loquitur in casu, in quo pœnitens non est confitens : in illo enim casu, nec pœnitens se accusat, nec animum habet recipiendi absolutionem. & tamen *S. Thomas* expresse docet, quod ea, de quibus pœnitens non est confitens, nec se accusat, non potest confessarius reuelare : non enim potest manifestare, quòd pœnitens habet voluntatem determinatam contrahendi matrimonium inter affines absque dispensatione ; de quo tamen peccato non se accusat . Ergo *S. Thomas* loquitur etiam de his, de quibus pœnitens non est confitens .

Tertiò probatur eadem minor principalis argumenti . Si aliqua ratione posset Confessarius cogi ad reuelandum pœnitentem sollicitantem ipsum ad turpia in sacramentali confessione, maximè esset, quia talis actus sollicitationis carnalis, cum sit peccatum mortale, non est materia confessionis : sed hæc ratio est nulla : ergo . Consequentia est bona . Maior patet ex dictis à principio in secundo argumento . Minor probatur . Ea quæ indirectè pertinent ad sigillum confessionis, non cadunt sub sacramentali confessione ,

fessione, eo quòd non sunt materia confessionis; aliàs necessario spectarent ad confessionē sacramentalem: & tamen tenetur Confessarius eā cælare sub sigillo confessionis: ergo etiam sub sigillo confessionis tenetur cælare id quod non est materia confessionis.

Nec obstat si dicas, quòd ea quæ indirectè pertinent ad sacramentalem confessionem, tenetur quidem confessarius sub sigillo confessionis cælare: hæc autem sunt tantum ea per quæ posset peccator, vel peccatum deprehendi: aliàs si non sunt talia, non pertinent indirectè ad sacramentalem confessionem.

Quoniam si Confessarius reuelaret pœnitentem sollicitantem, posset tum peccator, tum eius peccatum deprehendi: ergo.

Quòd si iterum dicas, id intelligendum de peccato, de quo se accusat, & de peccatore se accusante, non autem de alijs. Contra: nam vt ex dictis constat id falsum est; vt patet in casu de hæretico confitente, adducto à S. Thoma, in quo Confessarius non potest reuelare tale peccatum, etiamsi in illo peccator non se accuset.

Nec tandem valet dicere, quòd talis confessio non est sacramentalis, eo quòd pœnitens fictè accedit: Quia oppositum docet expresse *S. Thomas in præallegata solutione ad primum*.

Pro cuius maiori intelligentia considerandum est, quod casus, in quo pœnitens fictè accedit ad sacramentum Pœnitentiæ, potest dupliciter figurari. Primò, ita vt pœnitens re vera inchoet sacramentum, (quod potest fieri etiam ab excommunicato, qui aliàs ab omnibus sacramentis est exclusus,) & tunc deinde interponat sollicitationem carnalem: & hoc modo est sacrilegium, contra sacramentum existens inchoatiuè. Secundò, ita vt pœnitens, re vera nolit inchoare sacramentum Confessionis, sed illud fingat, vt confessarium seducere possit: & tunc est etiam sacrilegus contra sacramentum, non quidem existens, sed quod per eius culpam non existit. Sicuti in alijs sacramentis quoque accedit: vt v. g. in baptismo, si quis cum proposito peccati mortalis baptizari velit, fictè accedit: quæ tamen fictio non tollit substantiam sacramenti, sed tantum effectum sacramenti, quæ est gratia. In quo sensu loquitur *S. Thomas*, quando inquit quòd *baptismus est sacramentalis, quamuis*

quamvis quis fictus accedat; neque est immutatum aliquid propter hoc de essentialibus sacramenti. Secus verò; quando baptizatur aliquis adultus, qui re vera nolit baptizari, & id fingat, vt Ecclesiam contemnat: in hoc enim casu nullum est sacramentum; est tamen sacrilegium, & sacramenti contemptus: sicuti in matrimonio, quando cum solemniter professus contrahitur; vbi interuenit sacrilegium contra sacramentum licet non existens: quemamodum, etiam in consecratione panis hordeacei, interuenit sacrilegium contra sacramentum Eucharistiæ non existens. Quando ergo S. Thomas ait, confessionem, in qua pœnitens confessarium carnaliter sollicitat, esse sacramentalem, intelligendus est in primo casu, non in secundo, in quo re vera pœnitens non vult confiteri; & ita tunc nulla est sacramentalis confessio. Quid autem dicendum sit in hoc casu, declarabitur in solutione ad tertium.

Quartò idem probatur. Quotiescunque ex reuelatione eorum, quæ in sacramentali confessione habentur, potest in pœnitentem redundare aliquod nocumentum, numquam licitum est ea reuelare: sed ex tali reuelatione Inquisitoribus facta, maximum nocumentum in pœnitentem sollicitantem redundaret: ergo non potest confessarius pœnitentem sollicitantem reuelare, illum denunciando Inquisitoribus. Consequentia est bona. Minor est nota. Maior probatur auctoritate Doctorum; qui illam communiter docent, præcipuè *Summa Armilla. verbo. Confessor. num. 9.* vbi ita dicitur. *Conclude ergo, quòd illa, per quæ peccator, vel peccatum potest manifestari per se, vel per accidens, directè, vel indirectè, & per quemcunque alium modum in aliquam cognitionem, suspicionem, vel opinionem potest veniri de confesso, vel in quantum potest sibi provenire nocumentum circa animam, corpus, bona temporalia, vel famam aut huiusmodi, vel ex eo, quod confessio reddatur odiosa, vel minus pretiosa, sunt à confessore celanda: ergo &c.*

Quintò, id etiam probatur: Nam, vt inquit *Cardinalis Toletus in instruct. sacerdot. lib. 3. cap. 16. num. 2.* defectus, qui ad famam pœnitentis pertinent, sunt sub sigillo confessionis: sed celare actum sollicitationis, maxime pertinet ad famam pœnitentis: ergo talis actus

actus sollicitationis cadit sub sigillo confessionis, & consequenter nulla ratione reuelari potest.

Sextò probatur efficacissima ratione. Modò de factò, quando nulla lex positiua extat contra pœnitentes sollicitantes confessarios ad turpia, certe manifestare pœnitentem ita sollicitantem, non solum ob damnum tertij, verùm etiam ob sacramenti irreuerentiam, esset peccatum mortale: ergo lex positiua superueniens, non potest ad id obligare confessarium: possunt enim leges positiuæ facere de non peccato peccatum prohibendo; facere verò de peccato bonum, non possunt imperando.

Ad primum ergo argumentum in contrarium nego minorem. Ad probationem similiter neganda est minor. Nam Confessarius vt Deus, non solum scit peccata de quibus pœnitens se accusat; sed etiam scit alia, quæ non pertinent ad sacramentalem confessionem, licet pertineant indirectè ad sigillum confessionis, vt expresse docet *S. Thomas*, qui locis citatis, tum in 4. sent. tum etiam in additionibus ad 3. partem, in artic. 2. questionis 11. cum in principio sibi obieisset huiusmodi argumentum, scilicet, *De confessione non sunt nisi peccata; sed aliquando cum peccatis alia multa quis narrat, quæ ad confessionem non pertinent: ergo cum illa Sacerdoti dicantur vt Deo, videtur quòd etiam ad illa sigillum confessionis se extendat.* Huic argumento non aliter respondet, quàm per hæc verba: *Et per hoc patet responsio ad primum*, nimirum per ea, quæ dixerat in articulo; videlicet, *quòd sigillum confessionis directè non se extendit, nisi ad illa, de quibus est sacramentalis confessio; sed indirectè id quòd non cadit sub sacramentali confessione, etiam ad sigillum confessionis pertinet.* In quibus verbis apertissimè significat, quòd ea, quæ Confessarius scit vt Deus, sunt omnia, quæ ad sigillum confessionis pertinent, siuè directè, siuè indirectè. Cum autem, vt probatum est, actus sollicitationis ad turpia, indirectè pertineat ad sigillum confessionis, hinc est, quòd Confessarius illum scit vt Deus, & consequenter non potest cogi ab homine ad illum reuelandum, & ad denunciandum pœnitentem Inquisitoribus.

Ad secundum negatur maior. Nam, vt docet expresse *S. Thomas*, licet

licet Confessarius directè teneatur cēlare id quod directè pertinet ad sigillum confessionis, & de quo est sacramentalis confessio, tamquam de materia confessionis: tamen etiam tenetur cēlare id quod indirectè pertinet ad sigillum confessionis; quod tamen non est materia confessionis, quia de eo non est sacramentalis confessio.

Ad tertium dicendum, quod quemadmodum, vt docet S. Thomas, quando hæreticus accedit ad confessionem animo peruertendi confessarium, & populum fidelem, non potest Confessarius id reuelare, sed sub occulto tenere debet; quia talis confessio, est vera sacramentalis confessio: ita dicendum est in nostro proposito, quòd quando pœnitens, v.g. mulier, confitetur animo peruertendi confessarium, & prouocandi illum ad libidinem, tunc confessarius id reuelare non potest, eo quòd talis confessio est verè sacramentalis. Quare, quotiescunque pœnitens accedit ad confessionem, animo confessarium peruertendi, (quod tamen aliàs nullo modo est notum confessario, cū non possit scire intentionem, & animum pœnitentis,) & inter confitendum, postquam de nonnullis peccatis se accusauit, incipit malitiosè tentare Confessarium, & prouocare eum ad libidinem; non potest confessarius eum reuelare, & denunciare Inquisitoribus. Si verò talis animus pœnitentis esset notus ipsi confessario; & ex modo procedendi, confessarius aduerteret pœnitentem non confiteri peccata animo accusandi se, sed ipsum peruertendi, alliciendique ad malum; talis confessio non erit sacramentalis: quia pœnitens non habet intentionem confitendi, sed contrariam, quæ repugnat sacramentali confessioni. Vnde potius, vt dicitur in argumento, talis confessio erit veræ confessionis sacramentalis sacrilegus abusus; & ita, metaphysicè potius quàm theologicè loquendo, posset in huiusmodi casu confessarius pœnitentem denunciare: quia id quod scit, non scit in confessione sacramentali, neque vt Deus. Et in hoc sensu intelligendi sunt Doctores citati in argumento. Hanc doctrinam inter alios tradit *Pater Valerius Reginaldus in sua praxi fori pœnitentialis p. 1. lib. 3. cap. 5. num. 66.* qui in hoc

in hoc sensu adducit casum propositum in argumento quarto. Idipsum habet *P. Enriquez lib. 6. cap. 2. §. 3.* ubi inquit: *Hic unus casus excipitur non cadere sub sigillo: quia verè non est confessio, si penitens ex artificiosa confessione deprehendatur accedere, non animo accusandi se, sed pervertendi confessarium, cui occultè argumenta proponit per modum tentationis. Hic hereticus dogmatista denunciandus est.* Hoc ipsum etiam docet *Franciscus Siluius tom. 2. 3. p. quest. 1. 1. art. 1. quest. 1. circa fin.* ubi sic ait. Citatur à quibusdam *Innocentius III.* quasi voluerit reuelandum esse peccatum eius qui confitebatur, se, cum non esset sacerdos, celebrare, & deinceps celebraturum. Sed ex Concilio Lateranensi per eum celebrato, ubi secretum confessionis scuerè præcipit, satis apparet *Innocentium* esse conformem superiori sententiæ; ut proinde fidem certam non habeat prædicta historia, nisi forte loquatur de illo, qui veniebat ad confessionem non animo se accusandi coram Deo, sed intentione pertrahendi ipsum in malum. Medina item in instit. Confess. p. 2. c. 4. hæc habet: Aliud est, si penitens veniret fictus; ut si quis ad confitendum accedat, animo suadendi confessario aliquem errorem, aut quid simile; non voluntate confitendi. In tali casu non tenetur confessarius ad seruandum secretum, imò vero ad detegendum id quod ipse dicit; ut si v.g. huiusmodi esset cum destructione Reipublice &c. quia ista non est confessio, sed malignitas.

Caterum rem theologicè, & moraliter id considerando, negandum etiam videtur, tum ut ait *S. Th.* propter scandalum, tum etiam propter pronitatem, quæ ex consuetudine accidere solet. Licet enim hoc non esset, metaphysicè loquendo, contra sacramentum, sed contra eius sacrilegam imitationem; tamen redundaret in verum sacramenti contemptum: retraherentur enim fideles ab usu illius, nec securos se esse arbitrarentur in veris confessionibus, etiam quoad alia peccata. Et certe, qui hanc legem statueret, daret aditum confessario sollicitanti, ut facile penitentem ad se traheret, timentem utique, ne si detrectaret, confessarius verteret casum, & confessarius illum denunciaret tamquam sollicitantem; quæ omnia vergerent in maximam sacramenti iniuriam; sic enim venenū posset inter salutares sacramentorum aquas penitentibus

tentibus propinari. Vnde S. Leo Magnus in simili, loquens de pœnitentia publica, *Epist. 80. circa fin.* sic ait: *Quamuis enim plenitudo fidei videatur esse laudabilis, quæ propter Dei timorē, apud homines erubescere non veretur: tamen quia non omnium huiusmodi sunt peccata, ut ea, quæ pœnitentiam poscunt, non timeant publicare, remoueatur tamen improbabilis consuetudo, ne multi à pœnitentiæ remedijs arceantur, dum aut erubescunt, aut metuunt inimicis suis facta referari, quibus possint legum constitutione percelli. Sufficit enim illa confessio, quæ primum Deo offertur: tunc enim sacerdoti, qui pro delictis pœnitentium precator accedit. Tunc enim demum plures ad pœnitentiam poterunt prouocari, si populi auribus non publicetur conscientia consentientis.*

Ad quartum dicendum, quòd si historia relata vera est, ille Cardinalis confessor optime nouerat alium Cardinalem sibi fuisse confes-
sum, animo peruertendi; & eum trahendi in coniurationem; ideoque cum posset, ac teneretur reuelare, & non fecerit, propterea fuit accusatus, & punitus. In hac tamen difficultate legendus est *Dominicus Soto*, qui in *4. dist. 18. quest. 4. art. 5. ad 2.* multa scitu digna in confirmationem istius solutionis, & huius nostri discursus tradit.

Ad quintum negatur consequentia. Ratio disparitatis est, quam adducit *Caiet. 2. 2. q. 70. art. 1. in responsione ad 3.* ubi habet hæc verba. *Aduerte, ut scias discernere inter ea, quæ sciuntur sub sacramentali confessionis sigillo, ita quòd verè audiuit illius confessionem; & inter illa quæ sciuntur sub sigillo confessionis non verè, sed ad imitationem, seu similitudinem confessionis, ut frequenter fit à dicentibus aliquid in secreto, dico tibi hoc in confessione, seu in pœnitentia, seu inchoat, Confiteor Deo, & tibi; & tamen in nullo consentitur se peccasse, sed communicant tantum quæ sunt dicturi, & huiusmodi. Hæc enim, si acceptatio, sine qua nihil fit, interuenit, non magis obligant, quàm iuramentum de tenendo secretum. Et propterea tenetur ea reuelare, si sint talia, quæ sint in alterius damnum: prima autem, in nullo casu reuelare licitum est, quia illa scit, ut Deus: & maius est vinculum sacramenti, quolibet hominis, etiam Papæ, præcepto. hæc Caietanus. In quibus verbis, manifestum discrimen adducit, quod consistit in hoc: quia*